

## Minister's speech-04.03.2022 ASP 10<sup>th</sup> Anniversary

Minis Dezinyen, Msye Jean-Francois Ferrari

Tyermenn Board ASP, Mr Georges Tirant

CEO- ASP Ms Brenda Morin

Bann Staff ASP

Tou Envite Distenge

Bonn Apremidi,

Mon fyer, e menm mon pou dir, tre fyer pou adres zot ozordi. Sak fwa mon adres zot bann staff ASP mon annan en santiman ki mon menm mwan mon pa kapab eksplike.

Zot en group tre spesyal ki pe fer en travay remarkab pou nou pei atraver sipor ki zot donnen pou nou dimoun ki trouv zot, pou en rezon ou en lot, dan serten difikilte.

Zot travay toulezour I demann bokou. Bokou pasyans. Bokou kouraz e en determinasyon eksepsyonnel. An dot mo, zot pe fer en travay nob. Senpleman akoz I reprezant profesyon sosyal. E zot pou agree avek mwan ki travay sosyal pa fasil.

Sa ki mwan pli kontan e apresye, se ki zot in fer li pou bokou letan e pe kontinyen fer. Mon tir sapo avek zot ozordi. Zot egzers bann prensip ki enkli "advocacy, social justice and the upholding of human dignity".

Aprè 10 an servis, ozordi mon kapab konfirmen ki zot annan en pasyon pou zot louvraz e zot kliyan I a ker. Felisitasyon. Zot merit vreman en gro laplodisman.

10 an in pas tre vit. Zot annan bokou souvenir an memwar, bann souvenir lazwa, dezapwentman e menm bann ki sagrinan. Koman Minis pou zafer lanplwa, mon senserman apresye pou vwar bann travayer ki pe develop en karyer dan domenn sosyal. En sekter nou sosyete ki demann bokou latansyon. 10 an I vedir ki zot bann (**experts**) dan zot domenn. Bokou reisit zis akoz zot pann abandonnen dan milye semen.

Linyon I fer lafors. Lo non gouvernman, lo non mon minister e mon non personnel, mon le senserman demann zot pou pa kas sa linyon. Zot in reisi pandan sa 10 an kin pase e mon asire ki si zot kontinyen parey zot anbelir zot lanmitye koman bann travayer, prosen deseni zot pou asiz ankor dan sa lasal.

Sa 10 an kin pase in servi son purpose e prosen 10 an I ekspekte diferan. Lannen kin pase in anmenn serten transformasyon e sirman bann lannen ki swiv I promet plizyer ankor.

Lo non gouvernman, les mwan apremidi donn zot nou parol, ki lazans pou kontinyen ganny transformen e vin enn tre egzampler pou lezot lazans e departman dan pei. Sipor Gouvernman e mon minister I garanti.

Mon swe pou sa lokazyon se ki zot kontinyen demontre konpasyon dan zot travay toulezour et touzour fer sa bout anplis pou asiste zot kliyan. 'When the going gets tough' parey nou dir, annou atrap lanmen kanmarad e donn sipor pou nou ansanm kontinyen. Zot devouman anver zot travay pou servi konman en bon legzanp pou zot kliyan, ki pou ed zot reisir dan zot lavi. Parey nou motto I dir 'we empower you to empower yourself'.

Ankor enn fwa, felisitasyon e bonn fet!

Mersi pou zot lekout.